

*Portrait de trois Ours qui vindrent vers la navire: desquels l'un demoura gisant derriere un grand glaçon, & les autres deux vindrent tout droit vers la navire: & l'un print une piece de chair hors d'un curvier, laquelle y estoit mise pour resfréir, ce pendant fut il harquebusé, tombant mort en terre. L'autre ignorant ce qui avoit son compaignon, le regarda long temps, & le flairant seu est allé. Apres revint vers nos gens, & se dressa sur ses deux patés de derriere, pour ce voir sur eux, mais fut ce pendant harquebusé & tué. Puis apres nous l'avons dressé sur ses pieds, & l'avons laissé geler.*



partir, si aucunement eut esté possible: car le demourer nous sachá merveilleusement, en ceste grande froidure du Hyver, car nous aperceumes bien qu'elle nous seroit dure a souffrir; neantmoins par ce que toute l'esperance nous estoit ostée, il nous estoit besoing de faire de la necessité vertu, & avec patience attendre, l'issue que Dieu nous donneroit.

26. de Sept. Le 26. de Septembre, estoit le vent Ouest, & la mer ouverte: mais nostre navire demoura toujours ferme, de maniere que cela nous donna plus de douleur, que plaisir; or cestoit l'oeuvre de Dieu, duquel nous fallit estre cõ-tenus; & nous commencames peu a peu a faire la maison par tout bien solide & serrée. L'une partie de nos gens alla querir du bois a brusler; & l'autre charpentá, & fut besoignant au bastiment. Alors fusmes encor 16. personnes en nombre: car nostre Charpentier estoit mort, & de ces 16. fut par fois quelcun malade.

27. de Sept. Le 27. souffloit de rechef bien fort le vét de Nordest, & gela si fort, que prenant a la bouche vn clou, comme en charpentant on est assez accoutumé, la peau demouvoit attachée au clou, en le prenant hors de la bouche, tellement que le sang en est enfuyy. Le mesme iour y vint vn viel Ours accompagné d'un ieune, ainsi que nous allâmes tous ensemble vers la maison: (car seuls n'osâmes nous pas aller) & nous allâmes pour l'harquebuser, mais il s'enfuyt. La glace entre autresfois bien fort flottant, & le Soleil lui estoit bien cler; mais le froid estoit si extreme, qu'a grand peine pouvions ouvrir; neantmoins l'extreme necessité nous fit perseverer.

28. de Sept. Le 28. de Septembre fit il beau temps, & cler Soleil; le temps estoit calme, & le vent Ouest, & la mer ouverte: mais nostre navire demoura arressee en la glace. Ce mesme iour vint vn Ours pres de la navire, mais nous appercevant il s'enfuyt: & nous continuâmes le bastiment de la maison.

29. de Sept. Le 29. iour de Septembre au matin estoit le vent Ouest, & apres midi eutresfois a l'Est. Alors apparurent trois Ours, entre la navire, & la maison; vn viel avec deux ieunes; mais nous trainâmes les meubles & la navire,